

۱۲۸۶

علوم غزنی

جلد اول

تدقیق

علی تاریخ اشکانیان لصیبه

قصص ایکی یہ تقسیم اولنور برینہ اساطیر دیرلر
کہ افسانہ مقولہ سی داستانہ اطلاق اولنور دیکرینہ
تاریخ دیورکہ بر معلوم تاریخہ مضبوط اولان قصصہ
اوروپا علماسی اساطیری رضی ایکی قسم اعتبار ایدوب
برینہ اساطیر ارباب دیرلرکہ براہمہ واسفاندینا و
و النوز امم خالیہ سنک اتخاذا یتمش اولدقلری ارباب
داستانیدر ایکنجیسنہ اساطیر قهرمانی تسمیہ ایدرلرکہ
هرکل و زال و رستم و قهرمان نامہ لرکی افسانہ لردر
قصص تاریخی میداد عیسیٰ علیہ السلام دن نہایت
نہایت یدی سکز یوز سنہ مقدمہ قدر مضبوطدر یعنی ۷۰۰
اید ۸۰۰ آرہ سندہ طیانور قالور شیدی لسانمزدہ
قصص تاریخی بدلندہ تاریخ و تاریخ برندہ تقویم
تعبیری مصطلح اولشدر . قصص تعریفندہ اسلام
ایله خریستیانی تفریق ایدر بر مسئلہ واردر شوکہ
خرستیان شوموجود تورات و انجیل حکایاتہ قصص مبارک
و بونردن عبیری یہ قصص نامبارک دیرلر اسلام

شورتوات وانجیله علی الاطلاق قصص تسمیه ایدرلرکه

ایچنه اساطیر دخی قارشش معنی مراد ایدرلر
تاریخ ده بحث مشکل الکی نینوی و آبادان و باابل
وظارس حکومتی ایدی چونکه میلادون ۵۴۵ سنه
اقدام تولد ایتش اشیل و ۴۸۴ میل مقدم لهرودوط
و ۴۴۵ سال اول زلفون و ۴۱۶ سنه مقدم سوسا
کیروب اردشیر سراینده ۱۷ سنه طبیبک ایتش
کتزیاس و اسکندره معاصر بروز و ۳۹۵ سنه
اقدام از میلاد مفاشن و مشهور بطلمیوس آثار
ومرویات و تواریخنده ضبط اسامی ده و اکثری ترتیب
وسوق قصصده اتفاق یوق

فخرصا قصص تورادن دانیال و عزیز کتابری
و محاسب فمسی و دیگر کتب عبرانیه تواریخ یونانیه
چوق یرده بکره مز

قالدی که ابن مقفع و فردوسی و میرخوند خلاصه بالکز
ابوریحانه مستثنا طو تلذیفی حالده عرب و فرس تاریخلریک
مذکور تاریخلره مشابته کورلر

حال بویله ایکن بجه تعالی کتب مزبوره یونانیه و عبرانیه
و فارسیه بینده کی اختلاف گاه تصحیح اسامی

و بعضاً تشبیه قصص و ایجابنده تجرید بمبالغات ایدرک
 رفیع اولندی که کمال تحری بره نینوی و ابادان و سوسا
 حکومتینک تاریخین یازدم نشر اولمنق اوزره در
 بو تحریاتم اشکانیانه دك کلوب آدن صکره بخت مشغل
 اشکانیان تاریخین قالمشیدی

اسکی یونان و لاتین وارمن مورخلری و صکره دن عرب و فرس
 مؤلفلری هچ بیلدیلمکه اسکندر دن صکره ایرانه حکم ایدن
 سلطکیان دن برینک اوزرینه قومس جان بندن بری خروج
 ایدوب دولت تشکیل ایتمش و بود دولت بش قرن مقدار
 ممتد اولمشیدی عرب و فرس مورخلری بودولتی گاه
 اشکانیان و گاه الملوك الطوائف عنوانیه ذکر ایتدیلم
 دیگر ملتم مؤلفین گاه آرساسید و بعضا پارتیان
 دیو یار ایلدیلم لکن بوبش قرنده نه قدر ملوک کچش
 و آندرک اسملری و تاریخلری نه ایتمش نه یا پشتر نه اولمش
 اشته بورالری تفصیله دائره هیچ بر مؤلف معلومات
 کافی ویرمدی

قالدی اود دولتک و قنده برشام وارمنستان و روما
 حکومتلری بولندیلم معلوم و بو حکومتلرک وقایعی اولدیلم

مطور و بونلره اشكانيانك اوغوراشدا اولري غيرمنس
ومضبوط اولديفندن يونان ولاتين وارمن تاريخلريني
كامل دقله تحري ايدنر بر اشكانيان تاريخي جمع ايتمه
امكان وارايدى و يقين و قنوده يرلر التندل چيقاريلان
آثار باقىه دغى اولوجره جمعى ممكن اولان تاريخي مهاملمكن
تصحيحه ياردم ايتسي قابل ايدى شويده كه هانورده
غوتينغ جمعت علميه سى اعضاسندن تيجين نام ذات
دراهم عتيقه فرس و اشكانيانه دائره خيمه تحقيقات
يازمش و شارلص له نورماند دغى اشكانياندن
اون اوچي شاهه قدر مكوكات و تواريخ اوزرينه تحقيقات
تحرير ايدى و افغانستان آثار عتيقه سى اوزرينه
پرنسپك يازدينى استنباطانده اشكانيانه دائره چوق
آثار و تحقيقات وارايدى و آدرين نام عالمك
تفتيش مكوكات عتيقه مجموعه سنده اشكانيان اوزرينه
لايحه سى و بونده تدقيقات كثره سى موجود ايدى
خصوصاً سنت مارتين عالمك اشكانيان تاريخي ناقص
ايله ده مع مانه نيچي تحقيقاته جامع ايدى
اشته بوذكر اولنان اثارك اعانه سيله تاريخ مبحث يازلمق
قابل ايديسه ده حيف كه دنياك هيچ بر طرفنده بوكا

لهت ایدن کورلمدی
 انجق استانبول علما سندن و دولتعلیم رجا لندن صبحی بک
 بر تاریخ اشکانیان جمع ایوب ۱۷۷۸ ده نشر ایلدی
 بو تاریخده « ملوک عدایلدی و کتاب آفرنده ۱۱ صحیفه ایله
 که لرا اشکانی نقش و آفرملوک اولان اردوان
 خامدن بشق هر برینه که اسناد ایلدی
 و بو تاریخده اسلافک معلوماته تحقیقات جدیده علاوه
 قیلدی

تاریخ مزبورک علوم خدمت عظیمه اولدیفی جای بحث
 دکلدی بو خدمتی تقدیرله برابر بعضی مبرهاتنی ایضاً
 و تاریخچه وارد اوله جنق بعضی مطالعاتی ایراد برله
 تاریخ اشکانیانی بو غزیه مزده تدقیق ایتمک استرز
 بوندن مراد ایسه مشارالیهک اثرینی متن کی طو تارق
 اشکانیانه متعلق معلومات ویرمکدر

ما بعدی صکره

سعاوی